

上海市國醫學會編

國醫叢書

焦易堂題



(述瘡仙舟集一第)

中華民國二十五年九月三十日出版

(全一册實價國幣陸角)

編輯者 上海市國醫學會編輯部同人

發行者 上海市國醫學會

上海市國醫學會發行部

上海西門南石皮弄

第二十七號

版權所有

翻印必究

國醫叢書第一集

(舟仙瘡述)

上海代售處

總發行所

中國醫藥書局	幸福書局	中山醫書局	千頃堂書局
白克路西祥康里七十七號	三馬路會樂里	三馬路會樂里	三馬路



南京中醫藥大學圖書館版權所有

國醫叢書緣起

本會創立後，爲着國醫學術的發揚，全體會員的研究，前有「中醫雜誌」後有「國醫雜誌」的編纂，十數年來，未嘗間斷，會員方面，互得實益，社會方面，亦多譽揚。

上年，本會欲作更進一步的貢獻，當十一月十一日，全體會員開會時，有戴達夫先生等提議，改「雜誌」爲「叢書」，經大會決議通過，交本屆執行委員會發行。

從今以後，希望未見過的古本祕籍，可於本叢書見到，不易得的名貴專著，可於本叢書得到，希罕的經驗良方，可爲本叢書搜羅到，有價值的古今名醫醫案，得列載本叢書，珍奇筆記醫話，得列載本叢書，實驗的特效藥物，亦列載本叢書。

那末，本叢書，可算是表演國醫技能的劇本，可算是分析國醫技能的機關，也可算是集合國醫技能的總會。

名流碩士！倘將「珍藏」「名著」，不各地源源賜給，藉本叢書以飛行全國，促起社會人士注意，照射同仁眼簾，則國醫可以此而益表彰，亦可因此而圖改進，國醫前途，多麼偉大！

中華民國二十五年九月二十九日，上海市國醫學會。

生先邁紹馮者刊贈書本



馮紹邁字兆渠浙江慈
谿人畢業於寧波工業
學校弱冠卽嗜醫遂從
慈谿名醫胡萑莊先生
遊質疑問難服膺仲聖
之書已十易寒暑矣本
會刊印叢書蒙先生投
贈舟仙瘖述以廣流傳
而揚醫學感領之餘特
刊近影并弁崖略藉誌
景仰而伸謝忱

上海市國醫學會編輯部誌

劉舟仙瘡述弁言

余素不知醫亦不信醫嘗讀俞曲園太史廢醫論而默焉心許此以知余之於醫實未得其門之故也及門劉君舟仙少長多病乃博覽醫書精究醫理閱數年而宿疾既愈精力益復強健爰推己及人比閩戚黨中有患病者偶爲診治立卽奏效於是踵門求醫者日不暇給因鑒夫近年以來天花流行而小兒之厄於痲疹者爲害尤烈乃又考求瘡疹一科適同里鄔君翼孫家藏有其族叔祖雍水先生手抄瘡科一書中多經驗之論惟不著作者姓名嗣又覓得坊刻本鄭氏瘡略與鄭氏保赤金丹兩種參觀合校迺知三書實出一手然其間詳略互異前後錯雜想係輾轉傳鈔所致乃爲之整理其次第考證其得失又益以張氏醫通所得釐訂一書編爲三卷名曰瘡述首述論說次述治例三述方藥書成持以示余余於醫學不能贊一詞惟念吾僑僻在海外旣乏良醫又無良藥偶一患病往往束手無策至小兒之症則痛苦旣不能言醫藥又無可施一有不幸輒相諉於命數之無可如何而不知其中之誤

於失治與誤於治之不得其當者已不知凡幾矣劉君能見及此其意甚善抑吾聞之鄔氏雍水先生之嗣君友樅先生曾欲將抄本瘖書刻之以廣其傳因力有未逮而止今劉君推鄔氏未竟之志且爲之彙參衆說以臻美備詎不可謂有心人哉余雖不知醫而保赤之心則不能自己因書數語於簡端而歸之并懲愆其亟付諸梓以爲小兒福中元甲子浴佛日遯齋居士湯濬

述者序

近世醫書汗牛充棟獨瘖子一症世少專書間有論及非附見於內科諸書之末卽與痘科併爲一談無怪乎瘖症盛行之時病家急欲求醫而一般操醫師之術者諉曰此小兒之恙宜延兒科診治而業兒科者又以見其論症立方多與痘症互見慢不加察每以治痘之方混合施治實則痘發於臟屬陰瘖發於腑屬陽臟腑陰陽懸殊治法判若天淵調治乖方輕者變重重者致死雖天地戾氣之交加造物者默行其殺運未能全恃人力以挽救而療治之法自不可不講求也鄙人幼承家學改制舉業自科舉廢後迂腐之學知無益於世用乃翻閱醫書以度日間有所得亦爲人治療由近而遠雖不欲以醫名而踵門求治者時有其人歲在辛酉壬戌之際鄉里瘖症大作沿門傳染兒之夭枉於是症者以千百計日擊心傷爰取家藏醫書檢點諸家各有發明惟張石頑醫通辨症用藥最爲詳晰尤合於近時風氣全書卷帙浩繁兒醫度未能家置一篇因擇要抄錄爲是症暗室一燈適有友人鄔翼孫君出其

家藏經驗瘡略一書相質正其書係手抄本前後次序錯雜又不詳作者之姓氏惟篇中有云舍親袁雲山不吝枕祕並授口訣等語至其他各論與坊間所刻鄭氏瘡略及鄭氏瘡科金丹兩書雷同處甚多知三書同出一家鄭氏瘡略刻於清道光間署鄞縣程公璋爲之序全書僅得鄔氏抄本之半而金丹一書刻於清光緒間將原書改頭換尾幾失廬山真面惟卷首序文仍刻程公原序而其孫行彰自序云其祖父卜年公得之於異僧傳授尤所不解統三書而觀之鄔氏所藏實爲真本其書中辨症論治多從黃帝內經立論一切兼症變症亦較張氏醫通爲詳備似鄭氏確爲瘡科專家無疑惟時世變遷方藥異宜古方不能治今病鄭氏原本多用桂枝升麻桔梗麻黃溫燥升提之藥誠如張石頑所云麻爲風熱藥宜涼潤卽鄭氏後人所刻金丹內亦採張氏之論將上藥概從刪去今予所錄分爲上中下三卷上卷採諸家之論爲瘡症之提綱中卷治例一本張氏醫通原書其兼症變症則採鄭氏瘡略以補足之下卷方藥凡見於上中兩卷者錄之以便檢查非敢云瘡症治法盡在是焉

至未能必其治之恰當與否將取是書而比較用藥庶幾有所折衷焉書既成自愧學識謏陋僅將古人之書抄錄一過未能一言有所發明因定名曰舟仙瘖述亦聊以明述而不作之意云爾

舟仙瘖述 述者序

五

舟仙瘡述

總目

瘡症總論

海藏瘡疹標本論 王肯堂麻疹論 張石頑麻疹總論 葉天士痧疹論

鄭卜年瘡疹骨髓賦 靜遠主人瘡疹西江月 治瘡問答捷要及形色治法大

略并輕重順逆不治等症 鄭氏瘡略瘡子泛論 瘡子禁忌 二銘居士瘡略

附錄 余師愚疫疹論

瘡症治例

脈義 發熱 部位 形色 咳嗽 喘 氣促 鼻扇 胸高 觸肺揚涕及

痰涎壅盛 噎 汗 嘔吐 乾嘔呃逆吐蚘瀉蚘 泄瀉 發不出 透表

不透表 沒早 難沒 渴 搯 瘡後生風 手揉眉目鼻面 筍眼 兩眼

看手撕唇口皮撕眼筍毛咬人摳人 搯口摳咬指甲摳鼻 弄舌晒唇 唇口

腫硬目睛弔白唇舌破碎扶肚抬胸 咬牙 唇燥 唇舌破裂 譫妄 煩哭
衄血 瘡 音啞 口氣 舌胎 口疳 目病 腹痛 腰脅疼痛 手足瘰
痛 肢節腫痛 頭目腫 水腫 陰囊腫痛偏墜 腹脹 癰積 便秘 溺
瀉 尿如泔濁 痢 睡 不食 身冷 寒戰 寒熱 表裏實熱 瘡後瘡
疾 痘瘡相連 瘡夾斑丹 斑症 發丹 胃爛發斑 發泡 癰疹 瘡癢
發癢 瘡後遍身糜爛 遍身紫黑紋 瘡後瘡恙 虛羸 妊娠 婦女行經
及胎前產後出瘡 瘡後餘毒辨
瘡症各方

瘡症總論

海藏瘡疹標本論

昔睦親宮十太尉病瘡疹。衆醫治之。王曰。疹未出屬何臟腑。一醫言胃氣熱。一醫言傷寒不退。一醫言在母腹中有毒。錢氏曰。若言胃氣熱。何以乍涼乍熱。若言母腹中有毒。屬何臟也。醫曰。出脾胃。錢氏曰。既在脾胃。何以驚悸。錢曰。夫胎在腹中。至六七月則已成形。食母穢液。入兒五臟。食至十月。滿胃腕中。至生之時。口有不潔。產母以手拭淨。則無疾病。俗以黃連汁壓之。方下臍糞及涎穢也。此亦母之不潔。餘氣入兒臟中。本先因微寒入而成瘡疹。未出五臟。皆兒病證。內一臟受穢多者。乃出疹瘡。初欲病時。先呵欠。煩悶。驚悸。乍涼乍熱。手足冷。面腮赤。欬嗽噴嚏。此五臟證俱見。呵欠煩悶。肝也。時發驚悸。心也。乍涼乍熱。手足冷。脾也。面赤腮頰赤。嚏噴。肺也。惟腎無候。以在腑下。不能食穢故也。凡瘡疹乃五臟毒。若出歸一證。肝水泡。肺膿泡。心疔。脾疹。惟腎不食穢毒。而無諸症。瘡疹黑者屬腎。由不慎風冷而不飽內虛也。海藏云。本

先因微寒入一句。并由不慎風冷而不飽內虛一句。勿認作寒證。大抵瘡疹多熱也。又云。瘡之爲病。皆由子在母腹中時。浸漬食母血穢。蘊而成毒。皆太陰濕土。壅滯君相二火之所作也。因小兒真氣既盛。正氣又旺。邪無所容。或因天冷。或因傷表。或因傷裏。瘡由是而生焉。治當何如。外者外治。內者內治。中外皆和。其瘡自出。至於惡寒者發之。表大熱者奪之。渴者清之。大便祕結者下之。小便不通者利之。驚者安之。泄者分之。何以執一爲哉。大抵傷寒同治。最爲高論。隨經用藥。不可闕也。假令五日以裏。諸病不能與瘡疹辨別者。不可疑作瘡疹。必須發之。但各從其所傷。應見治之。皆不妨瘡出。若強發之。其變不可勝數矣。前人言首尾俱不可下者。何也。曰。首不可下者。爲瘡未顯於表。下則邪氣不得伸越。此脈證有表而無裏。故禁首不可下也。尾不可下者。爲瘡毒已顯於外。內無根蒂。大便不實。無一切裏證。下之則瘡氣逆陷。故禁尾不可下也。有如所言溫煖蓋覆。不令通風。以其瘡未出。或身表冷而惡寒。或天令寒而惡冷。溫煖蓋覆。不令通風。宜也。瘡若已出。身熱天暄。何必用蓋覆。而不使之通風乎。後人執此二句。首尾俱不敢下。溫煖不令通風。不知天令之所加。人身之所感。

致使誤人多矣。大抵前人之言。隨時應變。以其所可者而言之。後人不知其變。故執常而不移也。噫。首尾俱不可下者。以其始終臟腑元無凝滯也。若有一切裏證。及大便祕結者。安得不下。溫煖不使之通風。以其發在冬時。故如此也。若發在夏時。則雖未出亦不用於此也。

王肯堂麻疹論

麻疹浮小而有頭粒。隨出卽收。不積膿疱。北人謂之糠瘡。南人謂之麩瘡。吳人謂之痧。越人謂之瘡。古所謂麻。聞人所謂膚疹。是也。與前所謂脾爲疹者不同。小兒有出一二次者。出輕而日數少者。名奶疹子。出稍重而日數稍多者。名正疹子。又出於痘前者。名奶疹子。出於痘後者。名正疹子。初出亦與痘瘡相似。但痘發於臟。疹發於腑。臟屬陰。其病本深。故難出難收。而藥於溫平爲宜。腑屬陽。其病本淺。故易出易收。而藥於清涼爲宜。

萬氏云。痘大而嫩腫者。少陽三焦火也。陽道常饒。故大而腫。疹小而碎者。少陰心火也。陰道常乏。故小而密。三焦水穀之道路。脾胃主納水穀。治痘專以脾胃爲主。心肺

屬陽。而位乎上。心火旺則肺受之。治疹專以肺爲主。觀其欬嗽者。火炎則肺葉焦舉也。鼻流清涕者。鼻爲肺之竅。以火爍金而液自流也。目中淚出。發熱則移肝。金必尅木。肝之竅在目也。或手搯眉目唇鼻及面者。肺熱證也。王按既是心火刑肺金。卽是賊邪。其證當重。何反輕於痘。余每治麻疹。但據見證。以瀉白散加減。大劑投之。卽至危困之證。無不愈者。其他時師。用苦寒降火。辛溫發表。而陷於危亡者。不可勝數。安在其爲心火刑肺也。春溫。夏暑。秋清。冬寒。此四時之正氣也。冬應寒而反溫。陽氣暴泄。火令早行。人感之者。至於來春。必發瘡疥。未出痘疹者。必感而出。雖曰胎毒。未有不由天行者。故一時傳染。大小相似。但見痘疹之出。卽宜先服三豆湯。代天宣化丸。以預解之。

麻疹初出。全類傷風。發熱。欬嗽。鼻塞。面腫。涕唾稠粘。全是肺經之證。有末傳泄利者。有一起卽兼泄利者。肺與大腸相表裏。表裏俱病也。惟不可觸冒風寒。及於正蒸熱時。噉食。能變輕爲重。不可不慎。麻疹形證不同。有如發風疹。疙瘡。擁起。如雲頭。色赤成癍。隨見隨沒者。有如粟米頭粒。三番俱見而不沒。至三日後方收漸沒者。然皆

謂之麻疹。其於欲出未出之際。當合發表之藥發之。則易出易愈也。麻疹有發熱至十餘日始見者。大抵主在發散肺經之熱毒。者始事調理補養病後之元氣者終事也。其間或兼風。或兼痰。或傷食。並隨加宜對症之藥。其有變症。即隨病用對症之藥。要不亂投湯劑。則兒無事矣。疹喜清涼。痘喜溫煖。此法人皆知之。然疹初出。亦須和煖則易出。所以發苗之初。只要發出得盡。則便毒解矣。若痘必苗而秀。秀而實。而始毒解也。痘子成實之時。若太溫熱。亦必潰爛。是痘之後亦喜清涼也。故治痘疹者。無過熱過寒。溫涼適宜。是爲得之。

張石頑麻疹總論

麻疹者。手足太陰陽明二經蘊熱所致。小兒居多。大人亦時有之。是亦時氣傳染之類。其發熱時。多咳嗽。多嚏。多嘔。眼中如淚。面浮腮赤。多瀉多痰。多熱多渴。多煩悶。甚則躁亂。咽痛脣焦。神昏。通身紅赤。起而成粒。勻淨而小。斜目視之。隱隱皮膚之下。以手摸之。磊磊肌肉之間。其形若疥。其色若丹。以其陽氣從上。故頭面愈多者爲順。法當清涼發散爲主。藥用辛散以升發之。涼潤以清解之。切忌酸收。凡動氣燥悍。及一

切溫補之藥。慎不可犯。誤用禍不旋踵。辛散如荆芥。薄荷。前胡。葛根。麻黃。石膏。大力。子。涼潤如元參。天花粉。玉竹。麥冬。生甘草。芩連。貝母。連翹。竹葉。皆應用之藥。又當隨所發時月。量兒大小。及見症輕重。而爲制劑。若漸出漸收者。其勢雖輕。而熱尙未平。須防喘急。若連綿三四日者。其勢雖盛。而熱已發泄。必無他變。宜大青湯。或消毒飲。加元參。石膏。麥冬。竹葉。若發熱時。偏身汗出。或衄血者。此毒解也。勿遽止之。若汗出太多。血流不止。當以清肺湯去款冬。杏仁。加麻黃根。以止汗。犀角地黃湯以止血。遲則氣虛神耗。爲難治也。若發熱時。或嘔吐。或自利者。此火邪內逼。毒氣上下行也。俱宜清熱解毒。利小便。切勿止瀉。大凡疹症。發熱時。未有不渴者。但當與棗豆燈心湯。勿與冷飲。致成水畜。多生變幻也。卽葷腥酒麵。生冷水菓。咸須禁之。癩疹多有熱痰在肺。初發時必咳嗽。宜清熱透表。不得止嗽。癩後咳嗽。切忌辛溫酸瀉。但用清咽滋肺湯。以清餘熱。痰壅自愈。多喘者。熱邪壅肺也。切勿定喘。惟應大劑竹葉石膏湯。去半夏。加貝母。元參。薄荷。如冬天寒甚。癩毒爲寒鬱於內。不得透出而喘。加蜜酒炒麻黃。一劑立止。夏月熱勢盛者。卽用白虎湯加竹葉。忌用升麻。誤服必喘。然喘爲肺氣